

**БОСНА И ХЕРЦЕГОВИНА  
ПАРЛАМЕНТАРНА СКУПШТИНА  
БОСНЕ И ХЕРЦЕГОВИНЕ**

**ДОМ НАРОДА**

Комисија за финансије и буџет



**BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE**

**DOM NARODA**

Komisija za finansije i budžet  
Povjerenstvo za financije i proračun

---

Број/Број: 02/3-50-8-24-24,5/13  
Сарајево/Sarajevo, 16.1. 2013.

**IZVJEŠTAJ O RADU  
KOMISIJE ZA FINANSIJE I BUDŽET DOMA NARODA  
PARLAMENTARNE SKUPŠTINE BiH  
ZA PERIOD OD 1.1.2012. DO 31.12.2012. GODINE**

Sarajevo, januar 2013. godine

Na osnovu člana 35. stav (2) Poslovnika Doma naroda Parlamentarne skupštine Bosne i Hercegovine ("Sl. glasnik BiH", br. 33/06, 41/06, 91/06 i 91/07), Komisija za finansije i budžet podnosi Domu naroda Parlamentarne skupštine BiH

**Izvještaj o radu  
Komisije za finansije i budžet Doma naroda Parlamentarne skupštine BiH  
za period od 1.1.2012. do 31.12.2012. godine**

## **I. UVODNE NAPOMENE**

Nadležnosti Komisije utvrđene su članom 28. Poslovnika Doma naroda Parlamentarne skupštine Bosne i Hercegovine („Sl. glasnik BiH“, br. 33/06, 41/06, 91/06 i 91/07).

Komisije razmatra pitanja koja se odnose na:

- a) Centralnu banku BiH;
- b) bankarstvo, osim politike bankarstva;
- c) vanjski dug;
- d) finansiranje institucija BiH - oporezivanjem, akumulacijom duga ili drugih sredstava;
- e) funkcioniranje finansijskih institucija na nivou Bosne i Hercegovine;
- f) propise u oblasti finansija i budžeta;
- g) razmatranje, izvršenje i nadzor nad izvršenjem budžeta Bosne i Hercegovine;
- h) razmatranje izvještaja iz člana 168.(2);
- i) razmatranje odluka o akumulaciji duga, javnim pozajmicama i drugim finansijskim obavezama Bosne i Hercegovine;
- j) izvještaje Ureda za reviziju institucija BiH.

## **II. SJEDNICE KOMISIJE**

Komisija je u izvještajnom periodu održala ukupno 14. sjednica:

- 10. sjednica	3.2.	7 tačaka dnevnog reda
- 11. sjednica	29.2.	3 tačke dnevnog reda
- 12. sjednica	9.4.	9 tačaka dnevnog reda
- 13. sjednica	14.5.	7 tačaka dnevnog reda
- 14. sjednica	29.5.	6 tačaka dnevnog reda
- 15. sjednica	31.5.	7 tačaka dnevnog reda
- 16. sjednica	21.6.	2 tačke dnevnog reda
- 17. sjednica	19.7.	2 tačke dnevnog reda
- 18. sjednica	22.10.	6 tačaka dnevnog reda
- 19. sjednica	6.11.	5 tačaka dnevnog reda
- 20. sjednica	15.11.	7 tačaka dnevnog reda
- 21. sjednica	4.12.	6 tačaka dnevnog reda

- 22. sjednica                    6.12                    1 tačka dnevnog reda
- 23. sjednica                    6.12.                    1 tačka dnevnog reda

Komisija je razmatrala ukupno 63 tačke dnevnog reda.

### III. NADLEŽNOSTI KOMISIJE PO POSLOVNIKU DOMA NARODA

#### Razmatranje propisa u oblasti finansija i budžeta

Na osnovu člana 98. i 104. Poslovnika Doma naroda, Komisija je u 2012. godini razmotrila 11 prijedloga zakona, i to:

1. Prijedlog zakona o izmjenama Zakona o internoj reviziji institucija BiH, predlagač: Vijeće ministara BiH, prvo i drugo čitanje;
2. Prijedlog zakona o izmjenama i dopunama Zakona o finansiranju institucija BiH, predlagač: Vijeće ministara BiH, prvo i drugo čitanje;
3. Prijedlog zakona o dopunama Zakona o plaćama i naknadama u institucijama BiH, predlagač: Zajednička komisija za administrativne poslove, prvo i drugo čitanje;
4. Prijedlog zakona o dopunama Zakona o finansiranju institucija BiH, predlagač: Zajednička komisija za administrativne poslove, prvo i drugo čitanje;
5. Prijedlog zakona o Budžetu institucija BiH i međunarodnih obaveza za 2012. godinu, dostavljen od Predstavničkog doma Parlamentarne skupštine BiH, prvo i drugo čitanje;
6. Prijedlog zakona o izmjenama i dopunama Zakona o plaćama i naknadama u institucijama BiH, predlagač: Vijeće ministara BiH, prvo i drugo čitanje;
7. Prijedlog zakona o izmjenama i dopunama Zakona o reviziji institucija BiH, predlagač: Predstavnički dom PSBiH, **prvo čitanje**;
8. Prijedlog zakona o izmjenama i dopunama Zakona o finansiranju političkih stranaka, predlagači: Borjana Krišto, Halid Genjac i Dragutin Rodić, **prvo čitanje**,
9. Prijedlog zakona o finansiranju političkih stranaka, predlagač: Predstavnički dom PSBiH, prvo i drugo čitanje;
10. Prijedlog zakona o izmjenama i dopunama Zakona o finansiranju institucija BiH, predlagač: Vijeće ministara BiH, **prvo čitanje**;
11. Prijedlog zakona o Budžetu institucija BiH i međunarodnih obaveza za 2013. godinu, dostavljen od Predstavničkog doma Parlamentarne skupštine BiH, prvo i drugo čitanje.

U izvještajnom periodu Komisija je razmatrala ukupno 11 prijedloga zakona. Osam je razmatrano i u prvom i u drugom čitanju, a tri samo u prvom čitanju. Osam je usvojeno u oba doma PSBiH.

Za sve prijedloge zakona u prvoj komisijskoj fazi izrađena su i dostavljena mišljenja Domu naroda, a za sve prijedloge zakona razmatrane u drugoj komisijskoj fazi izrađeni su i Domu naroda blagovremeno dostavljeni izvještaji.

Za sve zakone razmatrane u drugom čitanju blagovremeno su obavljene sve aktivnosti u vezi s podnošenjem amandmana, počevši od prijema amandmana, usaglašavanja između podnosilaca te usvajanja zakona u identičnom tekstu.

### **Razmatranje pitanja koja se odnose na Centralnu banku BiH**

U okviru svojih nadležnosti, Komisija je razmatrala:

- 1) Finansijski izvještaj Centralne banke BiH za 2011. godinu;
- 2) Godišnji izvještaj Centralne banke BiH za 2011. godinu.

### **Razmatranje pitanja koja se odnose na izvršenje i nadzor nad izvršenjem budžeta BiH**

U okviru svojih nadležnosti, Komisija je razmatrala:

1. Izvještaj o izvršenju Budžeta institucija BiH i međunarodnih obaveza BiH za 2011. godinu;
2. Izvještaj o reviziji Izvještaja o izvršenju Budžeta institucija BiH za 2011. godinu;
3. Izvještaj o izvršenju Budžeta institucija BiH i međunarodnih obaveza za period januar-juni 2012. godinu.

### **Razmatranje pitanja koja se odnose na izvještaj Ureda za reviziju institucija BiH**

1. Komisija je u okviru svojih nadležnosti razmatrala izvještaje Ureda za reviziju institucija BiH o finansijskom poslovanju institucija BiH za 2011. godinu (70 institucija) i usvojila Izvještaj o razmatranim revizorskim izvještajima Ureda za reviziju institucija BiH za 2011. godinu s prijedlogom zaključaka i dostavila ga na razmatranje Domu naroda.

## **IV. Nadležnosti Komisije po članu 6. Zakona o reviziji institucija BiH ("Sl. glasnik BiH", broj 12/06)**

U skladu s članom 6. Zakona o reviziji institucija BiH, Komisija je razmatrala:

1. Izvještaj o aktivnostima Ureda za reviziju institucija BiH za 2011. godinu;
2. Tromjesečni finansijski izvještaj Ureda za reviziju institucija BiH na dan 31.3.2012.;
3. Šestomjesečni finansijski izvještaj Ureda za reviziju institucija BiH na dan 30.6.2012.;

4. Devetomjesečni finansijski izvještaj Ureda za reviziju institucija BiH na dan 31.9.2012.;
5. Nacrt budžeta Ureda za reviziju institucija BiH za 2013. godinu.

## **V. AKTIVNOSTI VEZANE ZA RAZMATRANJE I USVAJANJE OSTALIH AKATA**

U okviru ostalih aktivnosti iz njene nadležnosti, Komisija je razmatrala:

1. Izvještaj o radu Ureda za razmatranje žalbi za 2011. godinu (sačinilac: Ured za razmatranje žalbi);
2. Izvještaj o finansijskoj reviziji Sekcije BiH na svjetskoj izložbi „EXPO-2010“ u Šangaju za 2010. godinu;
3. Izvještaj o izvršenoj reviziji učinka o temi: "Stambeno zbrinjavanje povratnika";
4. Izvještaj o obavljenoj reviziji učinka o temi: "Upravljanje troškovima zakupa za rad i smještaj institucija BiH";
5. Izvještaj revizije učinka o temi: „Višegodišnja kapitalna ulaganja institucija BiH“;
6. Izvještaj revizije učinka o temi: „Upravljanje voznim parkom u institucijama BiH“;
7. Informaciju o stanju javne zaduženosti BiH na dan 31. 12. 2011.;
8. Godišnji finansijski izvještaj Fonda za reformu javne uprave za 2011.;
9. Informacije u vezi sa izradom zakonodavnog okvira o uspostavljanju Ekonomsko-socijalnog vijeća na nivou Bosne i Hercegovine;
10. Izvještaj o radu Komisije za finansije i budžet za 2011. godinu;
11. Orijentacioni radni plan Komisije za finansije i budžet za 2012. godinu;
12. Dopis Samostalnog sindikata državnih i policijskih službenika i zaposlenika u institucijama BiH, sudskoj vlasti i javnim ustanovama BiH;
13. Obavještenje Ministarstva finansija i trezora BiH (dopis Sindikata Granične policije BiH - Usklađivanje osnovice za obračun plaće);
14. Zahtjeva Sindikata granične policije za hitno pokretanje procedure za izmjenu Zakona o plaćama i naknadama u institucijama Bosne i Hercegovine,
15. Dopis USAID-a, nastavak saradnje;
16. Plan za razmatranje revizorskih izvještaja o finansijskom poslovanju institucija BiH za 2011. godinu;
17. Prijedlog izvještaja o razmatranim revizorskim izvještajima Ureda za reviziju institucija Bosne i Hercegovine za 2011. godinu.

## **VI. AKTI KOMISIJE**

Komisija za finansije i budžet u izvještajnom periodu razmatrala je:

- 11 prijedloga zakona;
- 70 revizorskih izvještaja o finansijskoj reviziji institucija BiH;
- 27 ostalih akata.

## **VII. SARADNJA S DRUGIM INSTITUCIJAMA I ORGANIZACIJAMA**

Komisija uspješno saraduje s USAID-om u sklopu projekta „Jačanje parlamenata u BiH“ kao i s Misijom OSCE-a u BiH.

Ostvarena je stalna komunikacija i veoma uspješna saradnja sa svim relevantnim institucijama čija se oblast djelovanja podudara s nadležnostima Komisije. Ta saradnja se, prije svega, odnosi na Vijeće ministara BiH, Ministarstvo finansija i trezora BiH, Upravu za indirektno oporezivanje BiH, Centralnu banku BiH, Agenciju za javne nabavke BiH, Ured za razmatranje žalbi BiH i Ured za reviziju institucija BiH.

Predstavnici navedenih institucija su redovno i blagovremeno obavještavani o radu Komisije te su učestvovali u raspravama na sjednicama kada su razmatrane tačke dnevnog reda, odnosno materijali iz njihove nadležnosti.

Osim toga, ostvarena je veoma dobra komunikacija, saradnja i koordinacija s drugim komisijama te sektorima i odjelima Sekretarijata Parlamentarne skupštine BiH, a sve s ciljem blagovremenog i efikasnog obavljanja aktivnosti iz nadležnosti Komisije.

Redovno je praćen rad svih drugih komisija Parlamentarne skupštine BiH, a naročito ustavnopravnih komisija oba doma i Komisije za finansije i budžet Predstavničkog doma, s ciljem kvalitetnog, profesionalnog i blagovremenog izvršavanja zadataka i obaveza iz nadležnosti Komisije.

Predsjedavajući  
Komisije za finansije i budžet  
dr. Dragan Čović